



SULEQATIGIISITSISUT  
SAMARBEJDSPARTIET  
UKA2019/141  
Tillie Martinussen

1. oktober 2019

**Uunga siunnersuut: Tapersiissutitalimmik inissialiortiternermut taarsigassarsititsisarneq pillugu  
Inatsisartut inatsisaat nr. xx, xx. xxx 2019-imeersoq.**  
(Ineqarnermut Attaveqaqatigiinnermullu Naalakkersuisoq)

INI A/S tusarniaanermut akissummi pitsaalluinnartumik oqaaseqaateqarpoq; inissianik pigisaqartut inatsit una malillugu akileraarutaaffiunngitsunik sulinikkut, malittarisassiat avaqqullugit Nunap Karsianit aningaasanik pissarsinissamut annertungaatsiartumik periarfissaqarnerat immaqalu illuni taakkunani taarsigassarsiallu atorlugit naammanngitsumik pitsaassuseqartumik sulisoqarsinnaanera uparuarpaat. Oqaaseqaat taanna pingaartuuvoq, tassa immikkoortumi tassani, pingaartumik nunaqarfinni avinngarusimasunilu, killilersuinerit misissuisarnerillu pitsaarpiangimmata, ilaatigullu sulisussaqaqngivittarluni.

Ajutoorfiusinnaasoq tassaavoq, siunnersuummi oqaasertalersuinermi siunertaaqq imaangippat aningaasanngorlugit tunniutanut naapertuutissasut.

Namineq iluarsaasisoqalerusutsitsinissaq tassani soorunami siunertaagaluatoq ajutoortoqarsinnaavoq. Naalakkersuisut ajornartorsiut taanna qanoq pinngitsoortinniirpaat?

INI-p aamma ilisimatitsissutigaa taarsigassarsianik ullumikkut allanguutaareersunik suliaqarfiusinnaanngitsumik aqutsinermi nalunaarsuiveqarlutik. Naalakkersuisut tamanna qanoq iliuuseqarfiginiarpaat? INI oqaaseqaatini akineqanngilaq.


Aamma isumaqarpugut Naalakkersuisut akiliisitsiniarnermik ingerlatsineranni akiitsoqartumut iluaqutaasumik sukaterisoqartariaqartoq. Tassami inuiaqatigiinni inatsisinik tunngaveqartuni sulii inuuvugut, imaluunniit? Kredsrettit qanoq aaqqissugaangitsigisumik ingerlatsinerat inatsisilerinermilu akeqanngitsumik siunnersuisoqartannginnera isigigaanni tamannalu innuuttaasut akornanni ilinniagaqarnerup ataatsimut isigalugu qaffasissusianut piginnaatitaaffinnillu paasissutissanik ujarlerfigisinnaasaannik paasissutissaqaqnginnermut namminerlu inissisimanermik paasinninnissamut sanilliussigaanni tamanna isumarput malillugu ajornartorsiutaavoq.

Tamanna ingerlaannaq suliarisariaqarparput. Naalakkersuisut tamanna qanoq isumaqarfigaat?

Naggasiullugu oqaatigissavarput isumaqaratta illuni taamaattuni taarsigassarsiani pinngitsoorani ikiullattooriataarsinnaanermut ajoqusernnullu sillimmasiinissaq pisariaqanngitsutut isikkoqartoq – taakkuli ingutserneqarsinnaasut imaluunniit Namminersorlutik Oqartussat pigisaattut illut attartortittaganngortinneqarsinnaallutik taarsigassarsianillu isumakkeerinnittarneq periusaasoq nalinginnaasorujussuaq.

Annaasaqarnissamut periarfissarpasuaqarpoq aammalu aningaasanngorlugit akiliilluni, taarsigassarsianik isumakkeerinnilluni il.il. inatsit una saneqqunneqarsinnaasoq

Isumaqarluinnarpugut niuerfiit inissianik amigaateqarfiusorujussuit misissorneqarnissaat piffissanngortoq, uanilu sanaartornermullu pitsaasunik iluaqutaasunik atugassaqartitsinissamut aqqiissutissanik naassaarniarneq aallartinneqartariaqartoq. Tamanna najugaqarfiit pitsaasunik atugassaqartinneqarluni taarsigassarsiffiusinnaasut avataanni aqqiissuussinertut naleqqutsigaaq, tassa aningaaseriviit realkredittillu



**SULEQATIGIISITSISUT  
SAMARBEJDSPARTIET**

taakkunani taarsigassarsisitsineq ajormata. Illoqarfinni sanaartorfiusorujussuarni suliffeqarfinnut namminersortunut innuttaasunullu aamma iluaqutissaqartitsisoqartariaqarpoq, taamaalilluni pisariaqartinneqartumik sukkassusilimmik sanaartortoqasinnaaniassammat. Angerlarsimaffeqanngitsut amerliartupiloorput piitsullu inissiani ajortuni najugaqarlutik. Tamanna aamma eqqarsaatigisiuk.

Tamakku pissutigalugit siunnersuut una ataatsimiititaliami sukumiisumik misissugassanngortipparput.